

卷之十一

南齊書卷之十一

南齊書卷之十一

卷之十一

南齊書卷之十一

南齊書卷之十一

南齊書卷之十一

南齊書卷之十一

南齊書卷之十一

南齊書卷之十一

南齊書卷之十一

南齊書卷之十一

弘簡錄卷五十五

明刑部員外郎仁和弘齋邵經邦學

皇清翰林院侍講學士四世孫遠平校閱

雜行 唐十二之一 逸民

孫思邈 王績 王宏 附蕭翼 朱桃椎 田游巖

武攸緒 盧鴻 王友貞 正希夷 孟浩然 符載

盧仝 賈島 秦系 劉軻 唐衢 董名南 張志和

陸羽 崔觀 陸龜蒙 朱灣 附朱放 劉言史

皮日休 張祐 方干 唐球 陳陶

孫思邈京兆華原人七歲就學日誦千餘言弱冠善談莊老及

百家說兼好釋典洛州總管獨孤信目為聖童歎曰器大適小

難為用耳周宣帝時以王室多故隱居太白山隋文帝徵為國

子博士稱疾不起。密與人曰：「過五十年，當有聖人出，吾方助以濟人。」及太宗卽位，召詣京師，問其歲。自言開皇辛酉生，年九十。三詢之，鄉里咸云數百歲人。詔周、齊間事，歷歷如眼見。然猶視聽不衰，神采甚茂。帝擊節稱重，歎曰：「古之聰明博達，有道不死者，姜、門、廣成，豈虛言哉！」加以爵位，固辭不受。顯慶四年，高宗復召至，拜諫議大夫。又辭，特賜良馬，假鄱陽公主邑司，以居。嘗從幸九成宮，當時知名士宋參文、孟詵、盧照隣等執師資之禮。言邈道合，古今學殫數術，高談正一，則古之蒙莊子深入不貳，則今之維摩詰其推步甲乙，度量乾坤，漢洛下閎、安期、先牛之儔。照隣有惡疾，醫所不能愈，乃問思邈。荅曰：「吾聞天有四時，五行寒暑迭代，和而爲雨，怒而爲風，凝而爲霜雪，張而爲蝗螟。此天地之常數也。人有四支五藏，一覺一寢，呼吸吐納，精氣往來，流

正爲榮衛彰而爲氣色發而爲音聲此人之常數也陽用其
陰用其精天人之所同也及其失也蒸則生熟否則生寒結而
爲癰贅陷而爲癰疽奔而爲喘乏竭而爲焦枯診發乎面變動
乎形天地亦然凡五緯盈縮星辰錯行日月薄蝕孛彗飛流此
天地之危診也寒暑不時是其蒸否石立丘踊是其癰贅山崩
土陷是其癰疽奔風暴雨是其喘乏川瀆竭涸是其焦枯良醫
導之以藥石救之以鍼劑聖人和之以至德輔之以人事故形
體有可愈之疾天地有可消之災又問人事奈何荅曰膽欲大
而心欲小智欲圓而行欲方心爲之君其象尚恭故欲小詩曰
如臨深淵如履薄冰是也膽爲之將其務果決故欲大趙趙武
夫公侯干城是也仁者靜地之象故欲方傳曰不爲利回不爲
義疚是也智者動天之象故欲圓見機而作不俟終日是也復

問養性之要。荅曰。天有盈虛。人有屯危。不自慎。不能濟也。故養性必先知自慎。慎以畏爲本。故士無畏則簡。仁義農無畏則墮。稼穡工無畏則慢。規矩商無畏則貨不殖。子無畏則忘孝。父無畏則廢慈。臣無畏則勲不立。君無畏則亂不治。是以太上畏道。其次畏天。其次畏物。其次畏人。其次畏身。憂於身者。不拘於人。畏於己者。不制於彼。慎於小者。不懼於大。戒於近者。不侮於遠。知此則人事畢矣。魏徵等初受詔修齊梁陳周隋五史。恐有所遺。屢咨訪之。口傳以授。悉如目覩。又預知未來事。其孫溥尚末生。而太子詹事盧齊卿亦方童。幼語曰。汝後五十年位登方伯。吾孫當爲屬。後齊卿爲徐州刺史。溥果爲蕭縣丞。凡諸異迹多類此。永淳元年卒。經月餘。顏貌不改。舉屍就木。若空人多異之。劉注。老子莊子換千金方三十卷。又換福祿論三卷。攝生要略。

中素書曾三教論各一卷子行大授中爲鳳閣侍郎

冊曰夫人一身出必有處處非得已貴爲世補智圓行方
微斯胡取吁嗟若人不同朽腐

主績字無功通之弟自幼縱誕家事不嬰鄉族慶弔冠昏咸不
預與李播呂才交善大業中舉孝悌廉潔授祕書正字不樂在
朝求爲六合丞見天下亂歎曰網羅在天吾且安之自効求解
丞還鄉里有田十六頃在河渚間奴婢數人種黍春秋釀酒兼
養鳧鴈蒔藥草牀頭惟置周易老莊有隱者仲長子光聲瘖無
妻子結廬北渚非其力不食見人未嘗交語績愛其真率徒與
相近日夕對酌經三十年得暇輒渡河還家游北山著書自號
東臯子乘牛經酒肆留或數日武德初令待詔門下省故事日
給官酒三升或問何樂荅曰良醞可戀耳侍中陳叔達聞之

給一斗時稱斗酒學士貞觀初以疾罷又聞大樂署焦革家善
釀復求爲大樂丞吏部辭以非流固請除之革死妻送酒不絕
歲餘又死乃棄官去自是丞爲清職所居東南有盤石立杜康
祠尊之爲師追述革酒法爲經採儀狄以來善酒者爲詩李淳
風讀之謂酒家南董復著醉鄉記次劉伶酒德頌人以酒邀無
貴賤輒往飲至五斗不亂著五斗先生傳刺史崔喜悅之請與
相見笑曰奈何坐名嚴君平耶卒不詣故人杜之松刺河中請
續講禮辭曰吾不能揖讓邦君談糟粕棄醇醪也故歲時惟
以酒脯豫知終日自誌其墓託無心子以見趣曰無心子居越
越土不知其大人也拘之仆無喜色越國法行穢者不齒俄而
無心子以穢聞王黜之無愠色退而適茫蕩之野見一機士攜
婢曰嘻子賢者而以罪廢歟無心子不應機士曰願見教答曰

子聞蜚廉氏馬乎。一以朱鬣白毳龍髯鳳臆驟馳如舞終日不
釋轡俄而熱死一以重頭昂尾駝頸貉膝跽齧善蹶棄諸野終
年而肥夫鳳不憎山棲龍不羞泥蟠君子不苟潔以惟患不
穢而養精也其自處如此

冊曰績有可收通胡見棄作史不公乃至於是

王宏濟南人自幼與太宗同學因問爲入體書得其傳卽位後
屢遣使訪宏欲官之鄉人竟傳隱去時帝好學遣御史蕭翼微
服爲隱者於越僧辨才從學因攘取蘭亭真蹟翼魏州華縣人
梁元帝曾孫負材藝多權謀初作北人南遊一見款密留宿久
乃以術取其書而歸授員外郎賞資甚厚辨才智永弟子年八
十餘卒其書從葬昭陵

朱桃椎成都人性澹泊出塵離俗時被裘曳索浮沉人間衆莫

能測其所爲長史竇軌召見之遣以衣服鹿幘鹿鞬通署鄉正
委之地不顧更逃入深山結茅澗曲夏則羸形冬緝木皮葉自
蔽贈遺無所受嘗織芒屨置道上見者曰居士屨也爲易米茗
置其處輒取去終不與人接其爲屨草柔細環結促密人爭躡
之時議以爲焦光之流高士廉爲長史備禮以請至則降階與
之語不替又爲祭酒益不語惟聯目直視而出士廉拜曰意者
使我以無事治蜀邪乃簡條目薄賦歛州以大治屢遣人存問
見輒走深林草木密處自置云

田游巖二原人初補太學生歸而入太白山與母及妻皆有方
外意趣樂棲山水遇會意處留連不能去凡二十餘年自蜀歷
荆楚愛夷陵青溪輒止其所採茅爲廬長史李安期薦之召蒞
京師行及汝復辭疾入箕山居許由祠旁頻召不出高宗等

山遣侍醫元超就問其母賜藥物絮帛親枉駕至其門游
野服出拜儀矩質樸帝令左右扶止謂曰先生此佳否答曰臣
所謂泉石膏肓烟霞痼疾者帝曰朕得卿何異漢獲四皓薛元
超從旁贊曰彼以應召而出豈如陛下親降巖穴耶帝悅因敕
游巖將家屬乘傳赴都拜崇文館學士帝將營奉天宮直游巖
舊宅之左詔不聽毀自書門榜曰隱士田游巖室文明中進太
子洗馬垂拱初坐善裴炎放還山蠶衣耕食不交當世與韓法
昭宋之間爲方外友久之乃終

武攸緒天后兄惟良子性恬淡寡欲好易與莊周書自少變姓
名賣卜長安市得錢輒委去授以官及王爵固辭願得隱居后
疑其詐許之以觀所爲巖棲如素遁者又遣其兄攸宜敦諭卒
不起始歎異之自此盤桓龍門及少室間冬蔽茅椒夏居石室

所賜金銀鎔鬲野服并王公遺以鹿裘素障瘳栝皆塵積不御市田潁陽使家奴雜作自混於民晚年肌肉消青瞳有紫光晝能見星中宗初遣司業杜慎盈齋書召以安車安樂公主出降又遣舍人李邈迎以璽書及至帝敕有司卽兩儀殿具儀設位行問道禮不名不拜入見之日山帔葛巾趨就常班再拜帝愕然歎息禮不及行賜予一無所受親貴來謁道寒溫外默無所言遂還後獨不及禍睿宗下詔慰諭開元十一年卒

盧鴻字顯然范陽人徙洛陽博學善書籀結廬嵩山名所居廬曰寧極學徒多至五百餘人有泰一之道中庸之德釣深詣微確乎自高開元初備禮再徵輒托辭不至五年命有司齋束帛重宣詔旨曰朕虚心引領于今數年雖得素履幽人之介而失考父滋恭之謔禮有大倫君臣之義何可輒廢鴻乃至東都謁

見帝召升內殿置酒拜諫議大夫固辭制許還山有司歲給米百斛絹五十致其家朝廷得失具以狀聞將行賜隱居服官營草堂恩禮殊渥初至不拜宰相遣人問狀荅曰禮者忠信所薄不足爲依敢以忠信見其自安如此

王友貞懷州河內人父知敬善隸書武后時仕爲麟臺少監友貞自少隱居好學讀九經手不釋卷母病醫言啖人肉良已自刳其股以進疾果愈詔加旌表居惟訓誨子弟口不語人過慎重然諾遠近莫不稱曰君子長安中薦授長水令罷歸中宗在東宮召爲司議郎神龍初復徵太子中舍人玄宗召以蒲車皆固辭疾不就卒年九十九又滕縣人王希夷遯處嵩山師黃顓學養生四十年家貧父母喪取備以葬顓卒更居徂徠山劉玄博友善喜讀周易老子餌雜花并松柏葉年七十餘

柔和強健無異年少刺史盧齊卿就謁問政荅曰已所不欲勿施於人此言足矣玄宗東巡狩詔州縣敦勸見于行在時年九十餘帝令張說訪以政事宦官扶入宮中與語甚悅拜國子博士聽還山敕州縣春秋致束帛酒肉仍賜絹匹百歲衣一稱又邢州人李元愷博學善天步律曆未嘗語人宋璟嘗師之當國遺以束帛將薦之朝拒不荅洛州刺史元行冲邀致之問以經義對畢贈之衣服辭曰陋軀不便新麗或投以所敝取所蠶素絲報之年八十餘卒先是定州崔元鑒用張易之力授官家居給半祿元愷誚曰無功而祿災也故其辭受尤嚴必不受無妄之獲云

孟浩然襄陽人自少文質傑出骨貌清淑好尚節義喜振人患難隱鹿門山以詩自適年四十始游京師嘗於太學咏賦一座

勞秋無功之小人。王維題解道之維私邀人內君他而露至
不及避匿之狀下頃間維以實對之宗喜曰朕聞其人先見
隱而匿詔出再拜令自誦其詩至不才明主棄帝怒曰卿不
仕奈何誣我因放還採訪使韓朝宗復欲薦之約與造朝會致
人至歡飲忘其期卒不赴漫不為悔久之張九齡辟置荆南
府以病卒後歲久門裔陵遲丘隴頽沒符載叩節度使樊澤
曰敬處士孟浩然公前欲更築大墓闔州縉紳聞風竦動今外
軍旅內勞賓客牽耗歲時或有未遑設有好事者乘時而興
負公夙志澤乃更為刻碑鳳林山南封崇其墓畫像置浩然亭
咸通中刺史鄭誠謂賢者名不可斥更署曰孟亭
符載字厚之蜀人有奇才始與楊衡宋濟習業青城山衡擢第
濟老死無成惟載以王霸自許不為章句學貞元中李異薦其

材授奉禮郎爲南昌軍副使繼辟韋臯節度支使雖日受知尚
多偃蹇嘗陪飲摩訶池畢請撰齋詞載離席盟敕命吏捧硯口
占敏速臯卒闕敗載得免禍轉隱廬山遺書于頔乞買山錢頔
卽與之柳宗元稱其藝術志氣爲時聞人才位未會盤旋固久
中間因緣陷在危邦與時偃仰不廢其道後辟鄒士美叅謀歷
協律郎監察御史卒

盧仝洛陽人自號玉川子嘗爲月蝕詩以譏切元和逆黨河南
令韓愈亟稱其工厚禮之後因止宿王涯第中遇害集祇一卷
時韓門弟子又有賈島劉叉島字浪仙范陽人初爲僧名無本
與僧清塞齊名工爲詩清塞東洛人姓周氏遇姚合而返初易
名賀世有周賀詩卽其人也島苦吟咏嘗跨驢出賦得僧推月
下門之句欲改推爲敲字引手作勢未決時愈尹言非不覺誤

初以曾州司馬參軍拜六十五有集十卷又少放肆爲
俠行更折節讀書能爲歌詩獨不善俛仰貴人間愈接天下士
步歸之作冰柱雪車二詩出盧仝孟郊石曼卿見而拜之爲
人性直率面道人短長見其服義則又彌縫若親屬晚歸齊魯
不知所終

秦系字公緒會稽人有詩名於天寶間避亂居剡溪大曆五年
北都留守薛兼訓奏爲右衛率府倉曹參軍不就隱于泉州南
安之九日山有大松百餘章相傳東晉時所植結廬其上穴石
爲研注老子彌年不出未嘗至城府刺史薛播數往見之歲時
致以羊酒姜公輔謫其地時與游處見輒窮日不能去築室相
近忘流落之苦公輔卒妻子在遠爲葬之山下張建封常聞于

朝言系不可致請就加校書郎其後東度秣陵年八十餘卒南安人思之爲立碑于亭號其山爲高士峯

劉軻字希仁彭城人耕于沛上代業農慕孟軻爲人故以名焉少爲僧止于豫章高安之南果園天寶末流離徙貫南鄱嗜習翫味與邊人異未嘗輟耕捨學居之沛如嘗謂言忠信行篤敬雖蠻貊可行貞元中因葬遺骸夢一書生來謝持三鴛鴦勸其其一而吞其二復執經從師遂精儒業元和初誅茅廬山之陽日有芟薙畚築之役雖震風凌雨不廢火耨或農隙隙積書牕下自與古人磨礱歲月悠久寢成書癖既而登進士任史官文與韓柳齊名終洛州刺史

唐衛者僻居寥落年五十不仕饑寒迫切自處憂如醉爲歌詩名賦發見人文章有萬言賦表忠臣進士之可悲